

不思議光菩薩所說經

百七十三
得十

48511



元祿九年丙子二月日重脩

皇國翠國 帝漸銀呂

佛日增輝 轉輪常轉

山城州天安寺法金剛院置

不思議光菩薩所說經十

姚秦三藏鳩摩羅什譯

如是我聞一時佛在舍衛國祇陀林中給孤
窮精舍與大比丘僧千二百五十人俱喜薩
摩訶薩五百人衆所知識尔時世尊依舍衛
大城時王大呂婆羅門居士及諸眷屬供養
恭敬尊重讚歎多諸供養衣服飲食卧具醫
藥是如來應供正遍覺明行足善逝世間解
無上士調御丈夫天人師佛世尊生處成就
種姓生成就三昧具足智慧具足解脫具足
解脫知見具足具足十力四無所畏佛十八
不共法演說正法初中後善文義美妙具足

清白梵行鮮淨五眼具足所謂肉眼天眼慧
眼佛眼法眼善知此世他世所任

于時世尊善降外道及軋陀若提子等佛法
熾盛人天宗敬世尊時到著衣持鉢及比丘
僧眷屬圍繞趣入舍衛大城乞食去來進止
威儀庠序視瞻容豫屈申俯仰執持衣鉢皆
悉庠序金色妙身光明照曜猶猛火聚寶珠
日月照曜闇夜三十二相莊嚴其身以金色
足踏門闥上當於是時舍衛大城示現種種
未曾有事如偈所說

人仙來入時

釋師子蹈闥

現多希有事

淨心聽我說

盲者得目視

聾者得聞聽

裸者得衣服

狂亂得正意

皆歡喜合掌

觀佛無獸足

眾鼓自然鳴

簫笛自出聲

鷹鳴鳩鴛鴦

佛出妙軟音

失財得寶藏

眾寶物出聲

時地六種動

不信得淨心

勝覺下轉足

淨蓮華承接

觸眾生安樂

命終得生天

女人姓娠苦

安樂生妙子

無貪瞋癡惱

父母子俱尔

階陞妙莊嚴

多億天雨花

眾生無病患

脫一切眾苦

善逝入城時

一切受安樂

各謂我奉食

各謂佛看我

人仙福德力

非我說能盡

尔時世尊於舍衛大城次第乞食至於中路

有一空處捐棄嬰兒容貌端嚴極為鮮白自

唼右指而此空處多狐狼狗見是嬰兒舐已
而去無能逼惱此嬰兒者是福德人久種善
根多人任觀生希有心往來觀看空處棄兒
端嚴可愛歡喜樂見於是嬰兒亦時世尊見
多人衆往來空處知而故問告阿難言汝可
往彼看是諸人往來空處何所作爲阿難白
言如是世尊大德阿難即往空處見是嬰兒
容貌端嚴自唼右指諦視衆人其目不瞬阿
難見已便還佛所如見而說世尊此空閑處
有棄嬰兒容貌端嚴甚可敬愛猶如寶像觀
視諸人其目不瞬于時世尊於是嬰兒起悲
愍心觀本善根知已成熟堪能知我所說法

又知衆生善根成熟即往嬰兒所到已於
一面任向此嬰兒而說偈言

本所造惡業 今此報應現 棄捐此空處

嬰兒苦如是

尔時嬰兒承佛神力自本善力以偈報佛

瞿曇猶故有 見棄空處想 尊在道場時

不知是想耶

尔時世尊復以偈言

我已知於想 而我永無想 以憐愍汝故

來至此空處

尔時嬰兒復說偈言

不得衆生 畢竟不可得 尊憐愍於誰

言所轉悲心

尔時世尊復說偈言

衆生不知是 無我空寂滅

爲覺悟彼故

我行村城邑

尔時嬰兒復說偈言

達解空寂滅 覺了空寂滅

猶有衆生想

如來不斷耶

尔時世尊復說偈言

佛悲力如是 覺了空寂滅

教化衆生故

導師演說法

尔時嬰兒復說偈言

故有顛倒 如來未斷耶

無衆生生想

如是生悲耶

尔時世尊復說偈言

佛之所護持 菩薩生精進

為不達衆生

人尊發莊嚴

尔時嬰兒復說偈言

此是癡莊嚴 若不得於物

若法非是物

何由起莊嚴

尔時世尊復說偈言

此大悲神力 調御世如是

猶不善於物

為衆生說法

尔時嬰兒復說偈言

法無有文字 云何可演說

世間大敗失

非法作法說

尔時世尊復說偈言

我不敗壞世 我不非法說

衆生自倒惑

我解脫彼結

尔時嬰兒復說偈言

結使無根本 亦無有方所

又不在内外

於何脫彼結

尔時世尊復說偈言

從於妄想生 與顛倒共俱

為斷彼妄想

嬰兒我說法

尔時嬰兒復說偈言

心性自常淨 彼中無垢結

正使多妄想

性淨不生垢

尔時出尊復說偈言

如是如汝說 心性自常淨

客煩惱塵結

無慧者生染

尔時嬰兒復說偈言

結無有方所 亦非方所得

云何名為生

願為我演說

尔時世尊復說偈言

猶如空中雲 可觀無真實

結使生如是

雖見無有實

尔時嬰兒復說偈言

法同等如如 其生性即如

法若是真實

非如不可得

亦時世尊復說偈言

我不道相違 我住不相違

為相違衆生

嬰兒如是知

亦時嬰兒復說偈言

瞿曇和合誰

先觀察法本

若不得衆生

從誰有煩惱

亦時世尊復說偈言

過世及未來 及與現在世

佛知覺了了

為衆生說法

亦時嬰兒復說偈言

所演說三世 及說我能知

便為是大慢

則為自稱譽

尔時世尊復說偈言

我不自稱譽 亦不輕慢他

如如等顯現

是故名如來

尔時嬰兒復說偈言

如無有可得 非言說相應

非言以言說

是則非如是

尔時世尊復說偈言

凡夫隨於想 如中生妄想 為斷除我想

如來出於世

尔時嬰兒復說偈言

正覺無出世 善修無生故 於無生法中

佛出不相應

尔時世尊復說偈言

無生現有生 佛出世顯現

此是世諦說

非是第一義

尔時嬰兒復說偈言

猶故有二想 世諦第一義

於一乘道中

瞿曇相違說

尔時世尊復說偈言

一切法如是 等住於如中

覺了是如已

無過無功德

尔時嬰兒復說偈言

悔過於正覺 我上所言說

是佛力持故

我能如是說

尔時世尊從於衣裏出金色臂起彼嬰兒尔時嬰兒執世尊手指從地而起尔時世尊從彼空處將是嬰兒趣向正陌是時大眾得未曾有於世尊所倍生敬禮歎言希有如來世尊得成如是勝妙之法乃能令此極苦厄者

得

有

安住是法

尔時世尊告嬰兒言汝業行盡汝可憶念本造善根令此大眾生希有心現大神力尔時嬰兒上昇虛空過七多羅樹身放光明此光遍照三千大千佛之世界以此光故釋梵護世及餘百千天龍夜叉乾闥婆阿脩羅迦樓

羅緊那羅摩睺羅伽見斯光已來詣佛所到
已頂禮佛足以諸天華散供於佛供養佛已
向佛世尊作如是言菩薩光明不可思議身
出光明普遍照此佛之世界令諸無量衆生
得於不思議利當名此兒不思議光

尔時釋迦牟尼世尊即可是名此兒當名不
思議光尔時嬰兒不思議光從空而下住於
地已以佛神力自善根力其形猶如八歲童
子尔時釋提桓因即以天衣施與嬰兒便
語之言嬰兒汝今愍我等故受此天衣勿裸
形住尔時不思議光菩薩嬰兒語釋提桓因憍
尸迦菩薩不以衣服爲妙當被法服以爲嚴

飾憍尸迦菩薩所服汝今善聽憍尸迦菩提
之心是菩薩服乃至道場成滿具足一切佛
法有慙有愧是菩薩服調伏成就一切衆生
置無過中堅誓莊嚴是菩薩服辦諸事故質
直無僞是菩薩服成就斷除幻惑僞故勤加
修進是菩薩服成滿具足諸善根故志欲喜
樂是菩薩服成滿一切諸佛法故除捨憍慢
是菩薩服成滿一切諸禪定故欲法聞法是
菩薩服成滿般若波羅蜜故不起智慢是菩
薩服成滿具足無著智故作於利益是菩薩
服悲諸衆生具覺知故捨一切物是菩薩服
成滿具足諸相好故護持淨戒是菩薩服成

滿願故調和忍辱是菩薩服究竟成滿梵音
聲故牢強精進無懈退心是菩薩服成滿出
過一切事故得諸禪定解脫三昧是菩薩服
成就滿足大通智故不壞智慧是菩薩服成
就斷除一切結使諸見障故大方便智是菩
薩服成就教化諸衆生故大慈是菩薩服成
就救濟諸衆生故大悲是菩薩服成就生死
中無疲厭故大喜是菩薩服成就具足於法喜
故大捨是菩薩服成就捨離愛瞋心故於諸
衆生無惱害心是菩薩服成就不惱於自他
故敷演說法是菩薩服成就不自譽毀他人
故如說修行是菩薩服成就斷除諸結使故

憍尸迦應如是知菩薩法服以法莊嚴生不
裸形。爾時釋提桓因於嬰兒所增加恭敬愛
念尊重白言。世尊愍我等故。今是嬰兒受取
此衣。爾時世尊告不思議光菩薩。嬰兒受帝
釋衣于時。世尊右手取衣授與嬰兒。爾時嬰
兒右膝著地。以其右手受取是衣。受已便著。
爾時世尊將不思議光菩薩嬰兒於舍衛大
城次第乞食。是時大眾男女大小長者居士
刹利婆羅門王及輔。目見不思議光菩薩嬰
兒。生希有心。亦爲見佛禮敬。供養皆悉來集。
爾時世尊次第乞食到。不思議光菩薩嬰兒
所生母舍。爾時不思議光菩薩即入其舍前。

至母所向所生母而說偈言

母無有過咎 應當自喜慶

是我本惡業

今生在母腹

母是我福田

哀愍所生恩

母勿生羞耻

速往如來所

母今得大利

腹懷妊我故

如是之功德

往問於導師

尔時不思議光菩薩語釋提桓因憍尸迦與

我香華衣服所須欲奉上母母當以是供養

於佛當發阿耨多羅三藐三菩提心尔時釋

提桓因以天曼陀羅華及以天香天諸衣服

與彼菩薩尔時不思議光菩薩復向其母而

說偈言

受此適意華

天妙曼陀羅

妙香及衣服

奉上供釋仙

非飲食及寶

能報父母恩

引導向正法

便為供二親

供二足尊已

發淨上道心

我長夜常觀

常數數時勸

其母生喜心

畢竟不生耻

往詣人仙所

禮已在前住

華散如來上

奉華及衣服

佛所種善根

即發菩提心

堅住菩提心

問於釋師子

懷妊淨衆生

願說是福報

汝以此善業

不生諸難趣

供多億佛已

當得成為佛

尔時世尊於舍衛大城次第乞食已與不思

議光菩薩及諸大衆出王舍大城向祇陀林

給孤窮精舍世尊食已淨自澡漱而起就坐

演說正法。尔時憍薩羅國波斯匿王聞不思議光菩薩嬰兒有大不可思議神通。聞已。莊嚴四種兵衆。向祇陀林。給孤窮精舍。詣世尊所。到已。頂禮佛足。却坐一面。波斯匿王白世尊言。大德世尊。不思議光菩薩嬰兒。爲在何處。聞有如是不可思議神通之力。時佛即示波斯匿王。不思議光菩薩嬰兒。時王見。是不思議光菩薩嬰兒。形色端嚴。殊特於天。無所畏懼。具戒定慧。以自在嚴。如是見已。便作是念。種何善根。修集何福。有是妙身。尔時不思議光嬰兒。承佛神力。知憍薩羅國王心之所念。向是大王而說偈言。

常修慈心淨衆生

無塵穢惡修正念

攝身口意淨梵行

彼有如是淨妙身

遠離惡者不自造

增長修集無量善

捨離一切惡諍訟

彼有如是淨妙身

恭敬佛法及聖僧

常恒奉施衆妙供

不毀罵他不逼惱

彼有如是淨妙身

調弄呵罵及毀訾

於他人所不生是

歎美讚善不說惡

彼有如是淨妙身

慳貪嫉妬及憍慢

諦觀已行不毀他

彼有如是淨妙身

爾時波斯匿王白世尊言是不思議光菩薩

嬰兒成就如是勝妙大法有何業障而生於

是姪女腹中捐棄空處佛告大王乃往過去
九十一劫尔時有佛号毗婆尸出現於世如
來應供正遍覺明行足善逝世間解無上士
調御丈夫天人師佛世尊大王當知尔時毗
婆尸如來法中有二菩薩一名賢天二名饒
財賢天菩薩於無上道得不退轉得陀羅尼
及無礙辯獲無生忍有福德威勢少欲少事
常樂獨處逮得神通彼時饒財菩薩習學頭
陀爲賢天菩薩而作給使彼人恒往聚落城
邑多諸事務是賢天菩薩呵責教誨何故多
造是諸事務而不斷除數數教呵彼便生瞋
忿心不喜以忿恚故毀敗身心敗身心已瞋

恚罵言輕姪女兒私通所生從他人得不識
其父又不識母況汝當有戒聞定慧彼瞋罵
已復不悔過又不捨離結使所纏恒有忿心
瞋賢天菩薩時賢天菩薩即便捨棄既捨棄
已倍生瞋恚罵詈揚惡以此不善業行因緣
身壞命終生姪女胎爲彼賢天菩薩所護不

生地獄姪女生已恒常棄之爲狐狼狗之所
餽食大王以是因故九十一劫常如是死生
生常棄爲多人衆之所罵言是姪女子被棄
空處狐狼狗食大王莫疑何以故彼時饒財
瞋罵菩薩即是今此不思議光菩薩是也惡
業行盡以善業力淨於結心悅可佛意是人

惡道悉皆永盡大王此不思議光菩薩已曾
值遇六十四億佛恭敬供養尊重讚歎是諸
佛所常修梵行勤進求法此本善力得如是
事及神通力大王如是黑白之業終不敗亡
是故智者善護身口及以意業寧捨身命不
造惡業

尔時波斯匿王白言世尊彼賢天菩薩為已
得成於一切智為故修集菩薩行耶佛言大
王彼賢天菩薩今者在彼阿闍佛土修菩薩
行名曰德藏尔時波斯匿王白言世尊若善
男子善女人常應當親於善知識近善知識何
以故世尊近善知識恭敬圍繞聽聞善法聞

善法已得於善心已有善心則修善行造作
善業趣向善處得善知識得善友故不作諸惡
修習諸善習諸善已自無逼熱不逼熱他若
有菩薩自護護他能得菩提若已住道有大
勢力能有所利佛言善哉大王快說此言大
王菩薩親近於善知識具滿一切功德善法
尔時不思議光菩薩白言世尊菩薩成就幾
法疾得阿耨多羅三藐三菩提獲淨法忍佛
言嬰兒菩薩成就四法疾得無上正真之道
及淨法忍何等四解因緣忍遠離斷常解無
我人衆生壽命解了空寂修行於空是爲四
復有四法何等四過去寂滅未來無來知現

在不任三世平等是爲四復有四法所謂自
淨淨諸衆生淨法淨禪定是爲四復有四法
謂寂身寂心寂道寂法是爲四復有四法謂
以法觀佛不以色以離觀法不以我以無爲
觀僧不以衆淨於慧眼是爲四復有四法所
爲滿足諸波羅蜜不捨四攝法善知方便說
無衆生而行大悲是爲四嬰兒是爲菩薩成
就四法疾得阿耨多羅三藐三菩提及深法
忍說是法時不思議光菩薩得無生法忍歡
喜踊躍上昇虛空高七多羅樹時此三千大
千世界六種震動大光普照天雨衆華百千
伎樂不鼓自鳴

尔時世尊。知不思議光菩薩心已。即便微笑。佛之常法。若微笑時。種種若干百千色光。從面門出。青黃赤白紅玻璃色。是光普照。遍於無量無邊世界。隱蔽魔宮。及日月光。斷除地獄餓鬼苦已。上至梵世。還遶佛三匝。從頂相入。尔時大德阿難。從座而起。褊袒右肩。右膝著地。合掌向佛。說偈問曰。

色相甚微妙

雜好莊嚴身

圓光善答問

以何因緣笑

上戒行無畏

勝定慧莊嚴

示堅解脫果

以何因緣笑

忍力及十力

忍勇進難動

樂見示四諦

以何因緣笑

金剛身堅固

那羅延力盡

梵音聲悅意

願演說笑義

梵身天在上

不見如來頂

次第合掌敬

以何因緣笑

樹王下墜魔

得無垢淨道

知諸衆生行

願顯何緣笑

轉無上法輪

說無常動地

調人天龍等

大德何故笑

照明除闇冥

無垢遍淨眼

功德如虛空

以何因緣笑

爾時世尊告阿難言汝今見是不思議光菩薩去地七多羅樹住虛空不阿難白言已見世尊阿難是不思議光菩薩過百千阿僧祇劫當得作佛亦号不思議光出現於世如來應正遍覺明行足善逝世間解無上士調御丈夫天人師佛世尊國名淨潔劫名無咎阿

難是淨潔佛土甚為清淨如此他化自在諸
天宮殿彼佛壽命二十中劫大聲聞衆其數
八萬諸菩薩僧三萬二千阿難以何因緣故
劫名無咎阿難彼時多有百千劫中無佛出
世是不思議光佛於彼劫中最初成佛淨居
諸天歡喜讚歎此劫無咎此劫無咎以有如
來出現於世故是故當名此劫無咎說是不
思議光菩薩時三萬二千衆生發阿耨多羅
三藐三菩提心六萬菩薩得無生法忍五百
比丘斷諸結漏心得自在成阿羅漢
今時佛告阿難汝受此經持讀誦說於大衆
中廣敷演之令我正法久住于世亦多利益

未來菩薩

大德阿難白言世尊我已受持世尊此經何
名云何受持佛言阿難此經名為除淨業障
亦名為神力所持不思議光菩薩所說如是
受持阿難若善男子善女人盡其壽命奉諸
如來供養恭敬尊重讚歎以雜色華緘如須
弥燒香料香塗香幢幡寶蓋皆亦如是以用
供養復有善男子善女人受持於此不思議
光所說經法讀誦通利在大眾中廣為人說
如說修行是福多彼阿難若欲法供養如來
欲作大智慧光明者應當受持讀誦此經
佛說是經已不思議光菩薩大德阿難一切

大衆人天龍鬼神軋闍婆阿脩羅閻佛所說
皆大歡喜

不思議光菩薩經

得

踏

音盜履

闍

苦本反門限也

裸

郎果反赤體也

駒鳩

上二非同音

衢

妊

上而禁反下也

震

嬰兒

上一反

唌

音朔也

舐

神紙反取物也

瞬

詩閻反目動也

澡漱

上音早下音瘦

匿

反力

餽

紆瑞反飼

袂

古得反衣襟也

匿

反力

